

軍政

青
海
省
地
方
史
志
資
料
摘
錄
集

抄聖武記

青海厄魯特蒙古

青海古西海郡在西寧府西三百餘里其水周七百餘里
群山繞之瀦而不流中有二島不通舟楫惟冰合可通即弱水

也蒙古語曰庫克淖爾即青海異名又海中有二島一曰察漢一曰陀羅海故亦
名焉其南百里又有鹽池非此海也環海居者皆番族分左右二境下東

海南^岸上界湟水其地西回疆南衛藏北玉關袤延二千餘里至京

五千餘里本漢時鮮水諸羌也唐以為吐谷渾唐末并入吐蕃

是崇佛成俗始隸于衛藏明置西寧河州諸衛領以番酋

以國師禪師之號不相統屬以渙其勢其後一并于套酋俺答

再并于厄魯特固始汗一作顧實汗于是始變為蒙古和碩特
者舊本四厄魯特之一也準噶爾治伊犁杜爾伯特治額爾齊
斯河土爾扈特治雅爾即塔爾巴哈台地和碩特自烏魯齊往
治青海然青海分部而處亦雜有四厄魯特之衆惟和碩特設札
克二十有一為元太祖弟哈薩爾之裔與內札薩克科爾沁等八
部同族十九傳至明末固始汗自西域入據青海分部衆為二
子十人頷之除分附察哈爾一旗及分阿拉善山一旗外餘分家
為青海和碩特蒙古其土爾扈特四旗準噶爾綽羅斯二旗
輝特一旗則出元太師脫歡之後分牧西域國朝始置其降衆
于青海惟杜爾伯特十四旗留科布多之東不居青海又有額

爾額一旗大刺嘛察罕諾們汗一旗雖居青海而同牧別族其
餘則再統稱曰厄魯特云太宗崇德中固始汗強盛擊虜敗唐古
特藏巴汗遣使自塞外通貢并請發幣存問達賴刺嘛順治
初又導達賴刺嘛入覲詔封遵文行義敏慧固思汗賜金冊印
弓矢甲冑順治十三年卒是為國朝通青海之始亦為青海
厄魯特之始康熙五年青海各部逢蠶屯祁連山縱牧內地大草灘
聲言將入寇河州臨洮鞏昌西寧涼州諸地提督張勇請自扁
都口西水關至嘉峪關築邊牆以限內外六年復將入寇十四年
為王輔臣所煽復犯河西皆奉達賴刺嘛檄諭而止獻馱馬
牛羊謝罪出塞蓋于中國尚僅四羈縻也十六年準部噶爾丹

襲殺西套鄂齊圖汗青海和碩特諸台吉懼挈帳數千避居大
草灘漸為內附之始十七年噶爾丹將侵青海懼中國甘肅關外
兵斷其後乃遣密使與諸台吉議婚欲使貳中國而歸已辛
九年大軍敗噶爾丹于烏闌布通青海諸台吉附達賴麻表刺
上尊統却之是年十月出使西域學士達瑚郎中桑格歸至
嘉峪關外為西海番羅卜藏所劫提督孫思克聞報即遣
游擊朱應祥計誘其宰桑質于關內始反我使臣別遣將士
擣其巢穴斬馘四百餘盡奪所有以償前掠三十五年親征噶
爾丹獲青海通噶爾丹使遣使宣諭諸部集盟于察汗托
羅海告以鄂齊圖汗世仇約共擒噶爾丹時有善巴陵堪布

蓋達賴所遣理青海蒙古事務者也與諸台吉等集盟壇遣使賀捷三十六年春上視師亭夏命額駙阿剌布坦等宣諭青海青海諸台吉約四月朝行在詔秋後入京師青大閱玉泉山陳軍容以示之詔封固始汗子達什巴圖為和碩親王餘授貝勒貝子公爵有差群臣以綏服青海全部請上尊號不許自後青海始為近藩時策妄阿布坦將圖西藏要諸台吉內附詭請討青海前助噶爾丹罪詔斥三十九年唐古特拉藏汗襲殺第巴而準部兵侵青海掠駝馬詔西安兵會青海左翼四川兵會青海右翼嚴備并集諸台吉定盟而策妄阿布坦兵已襲西藏察汗丹津謀誘其兵至青海迎擊手之賊

不敢至五十六年撫遠大將軍皇十四子允禔統兵西寧集兩臺
王台吉宣諭各率所部送裏塘達賴刺麻入藏五十九年蒙
古兵從大軍大敗準噶爾于西藏新達賴登位詔留兵二千屯
青海以備準夷及雍正元年王師平羅卜藏丹津之叛于
是令土爾扈特旗綽羅斯特旗輝特旗額爾額旗察罕諾
們刺麻旗皆各自為部不得復屬和碩特以分厄魯特之勢又
不設盟長以西寧辦事大臣蒞盟自後青海始同內地 語詳雍
正征厄魯特記漸削弱矣而野番特強今日蒙古之畏野番猶西日
回民之畏厄魯特而青海之邊防又一大變

照抄聖武記內西藏記 上集

西藏古吐蕃元明為烏斯藏其人則謂之唐古特亦曰土伯特其地分三部曰康即四川打箭爐外巴塘察木多之地為前藏亦曰喀木曰衛即布達拉及大招寺本吐蕃建牙之所今達賴居之為中藏布達拉華言普陀宗稱也乘曰藏即札什倫布本拉藏所治今班禪居之為後藏札什倫布華言吉祥也以山得名又至極西之阿里則稱西部云北界河源河源上出青海西南之星宿海與藏地北界相連南界大金沙江名伊拉瓦底江上

游曰蓋立開江源出喀木部南下游由緬甸入南海視長江上游之小金沙江廣濶數倍或云即黑水而三藏即三危

其以怒江為三藏南界者非也西距雪嶺雪嶺為崗底斯山在阿里即葱嶺之南幹東西六

南北五千餘里

千餘里距京師萬有四千餘里由川陝滇入藏有三路皆先至前

藏而後西至中藏又西至後藏又最西至阿里云在五竺之東
北而距北天竺較近阿黑南二千餘里入額納特珂克境即中印度故經教至多
持陀羅尼尤驗多僧無城郭僧居土臺者皆持戒律不持戒
者居土台外自唐太宗以文成公主下嫁吐蕃贊普好佛立
寺廟西藏始通於中國元世祖封西番高僧八思巴為帝師
大寶法王以領其地後嗣世襲其號西藏始為釋教宗主元史
釋老傳八思巴者吐蕃人生七歲誦經典數十萬言能通大義國人稱曰神童年十有五謁世祖潛邸即位
尊為國師命製蒙古新字字僅千餘凡四十一冊頒行天下今後藏薩迦有利麻即元帝師後
人為紅教之宗其教先娶妻生子有後再不入室始登法座明洪武初太祖以西番地曠
人悍欲殺其勢而分其力故凡元代法王國師後人來朝貢者

輒因其故俗許其世襲以化獮俗尊中國永樂初成祖則燕克
其教聞西僧哈立麻有道術國人稱曰尚師遣使迎至京師為高
帝后薦福於靈谷寺有卿雲甘露青烏白象之祥封大寶法
王西天大善自在佛其徒三人皆封國師其後又封大乘大慈二法
王禮之亞於大寶於是其徒爭來朝貢輻輳京師所封有闡化
闡教輔教護教贊善五王又授天佛子者二薩頂大國師者九薩頂
國師者十有八法王等死其徒輒自相承襲歲一朝貢畧與土司等
嗜茶貪貢市北冀保世職故終明世無西番患然皆紅教非黃教
其黃教宗祖則創於宗喀巴一名羅卜藏札克巴以永樂十五年生於西寧衛
得道於西藏之甘丹寺成化十四年示寂初明代諸法王皆賜紅綺

禪衣本印度製裝舊式其後紅教專持密咒流至以吞刀吐火炫俗無異師巫盡失戒定慧宗旨宗喀巴初習紅教既深觀時教當改立教自會眾自黃其衣冠遺囑二大弟子世世以呼畢勒罕轉生演大乘教呼畢勒罕者華言化身也二弟子一曰達賴刺麻一曰班禪刺麻刺麻者華言無上也其班禪刺麻又稱曰額爾德尼譯言光顯也相傳達賴為觀音分體光班禪為金剛化身在印度已轉生數十世其說不可得詳云皆死而不失其性自知所往生其弟子輒迎而立之常在輪回本性不昧故達賴班禪易世互相為師其教皆重見性獨生斥聲聞小乘及幻術下乘當明中葉已遠出紅教上未嘗受封於中國中國已莫之知也達賴一世曰敦根珠巴者即贊普之裔世為番王至是舍位出家亦名

羅維倫嘉穆錯嗣宗喀巴法傳衣鉢始以法王兼藏王事其二世曰根敦嘉木錯者自置第巴等代理兵刑賦稅其弟子稱呼圖克圖則分掌教化當明正德時始以活佛聞於中國武宗遣中使率將校十人千人迎之達賴不願行國人匿之將士欲威以兵為番人所敗遁還而武宗崩世宗立果盡斥遣番僧繼又崇道教不信佛人始以達賴之不欲行為有前知焉三世曰索南嘉穆錯明史所稱鎖南堅錯也名益著青海河套諸蒙古罔不嚮服順義王俺答躬入藏迎至青海建仰華寺奉之大會諸部飲長生水鎖南堅錯戒其好殺勸令東還而俺答亦勸其通中國乃自甘肅大馬士張居正書自稱釋迦牟尼比邱中國始知有活佛其人實得

禪定慈忍淵默雖具他心宿命通而不自耀於是紅教中大寶
大乘諸法王六皆俯首稱弟子改從黃教化行諸部東西數萬
里熬茶膜拜視若天神諸番王徒擁虛位不復能施其挽令傳
至第四世曰雲丹嘉穆錯生蒙古圖古隆汗族十四歲入藏坐牀二
十八歲示寂故事蹟不著然河套青海蒙古受其戒不敢飲掠
西邊安枕者五十餘年第五世曰羅卜藏嘉穆錯當太宗崇德
二年喀爾喀三汗奏請發帑使延達賴拉麻四年因厄魯特使
貽達賴書於是達賴班禪及藏巴汗青海固始汗聞我朝興
東土各報使統塞外數萬里以崇德七年至盛京奉書及方書_物約
共行善事并獻挂驗知必當一統明年遣使存問達賴班禪植

為金剛大士是為我朝通西藏之始順治初天下混一達賴班禪
及固始汗復各遣使獻金佛念珠表頌功德詔賚甲冑弓矢
皮幣並遣使迓達賴九年冬至京師世祖賓之於太和殿建
西黃寺居之及行饑之南苑德壽寺授金冊印封西天大善
自在佛領天下釋教普通鄂濟達賴刺麻命和碩親王碩
塞以八旗兵送之初唐古特有四部東曰喀木曰青海西曰衛曰
藏固始汗者本厄魯特部於明季吞并東二部以青海地
廣令子孫游牧而喀木輸其賦其衛地則第巴奉達賴居之藏
地則藏巴汗居之第巴曰桑結者與藏巴汗不相能謂拉藏虐
部眾毀黃教乞師於固始汗剪滅之以其地居班禪與達賴

分主二藏盡逐紅帽花帽諸法王事在崇德十年於是紅教益微
并不足為黃教之細顧第巴桑結實傾險既滅藏巴事多專
決吳三桂王雲南歲遣人至藏熬茶康熙十三年三桂反詔青海
蒙古兵由松潘入川第巴使達賴上書尼之且代三桂乞降及大兵
圍吳世璠於雲南世璠通書西藏割中甸維西二地求援於青海
其書云為我軍所獲朝廷不之問也二十一年第五世達賴卒第
巴欲專國事秘不發喪偽言達賴入定居高閣不見人凡事傳
達賴命行之自是益橫既袒準噶爾以殘喀爾喀蒙古復隳
噶爾以門中國又外搆策妄阿布坦內鬪拉藏汗遂招準兵寇
藏之禍凡西北擾攘數十年皆第巴一人所致噶爾丹者亦厄

魯特之一弟入藏為拉麻與第巴相暱歸篡其汗自言受達賴
封為準噶爾博碩克圖汗又略爾喀蒙古自國初以入藏隔於厄
魯特乃自奉宗喀巴第三弟子哲卜尊巴_丹之後身為大呼圖克圖
位於班禪相亞凡數十年矣至是喀部車臣汗與土謝圖汗交
惡搆兵聖祖遣使約達賴和解之第巴奏使噶爾丹西勒圖往
蒙古謂刺麻坐牀者為西勒圖蓋達賴大弟子也而喀部哲卜尊
丹巴亦奉詔往盟壇與西勒圖並坐噶爾丹使其族人隨之觀釁
因責喀部待達賴使無加禮詎責之為土謝圖汗所殺噶爾丹
遂以報讎為名襲侵其部喀爾喀東走聖祖申命達賴遣
使罷兵第巴使濟隆呼圖克圖_注反陰嫉之二十九年遂入寇漠南

我兵敗之烏闌布通噶爾丹託濟隆代乞和頂佛立誓而遁第
巴內漸乃託達賴竟合青海蒙古及厄魯特各台吉上尊號
聖祖不受屢遣京師刺麻入藏探之歸言第巴桑結使已遙望
禮拜有利麻立高樓之上絳紗之中香烟繚繞覲不分明三十
三年達賴刺麻入貢言己年滿國事決第巴乞錫之封爵詔
第巴桑結為土伯特國王三十五年聖祖親征噶爾丹至克
魯倫河噶爾丹敗竄慰其部下曰此行非我意乃達賴刺麻
使言南征大吉是以深入也上謂達賴存必無是事乃遣使賜
第巴桑結書曰朕詢之降者皆言達賴刺麻脫縉久矣爾
至今匿不奏聞且達賴刺麻存日塞外無事者六十餘年爾

乃屢唆噶爾丹興戎樂禍道法安在達賴班禪分主教化向未相
代持世達賴如果厭世當告諸護法主以班禪主宗喀巴之教
乃使衆不尊班禪而尊己又阻班禪進京之行欲和解喀準二部
爾乃使有虧行之濟隆以往烏闌布通之役為賊軍十日誦經
張蓋山上觀戰勝則獻帕不勝又代為講款以誤追師繫爾袒
庇噶爾丹之由今為殄滅準夷告捷禮以噶爾丹佩刀一及其妻阿
奴之佛像一佩符一遣使賫往可與達賴相見令班禪來京執濟隆以
昇我如其不然朕且檄雲南四川陝西之師見爾城下爾其糾合四
厄魯特之人以待其毋悔第巴桑結皇恐明年密奏言為衆
僧不幸第五世達賴刺麻于壬戌年示寂轉生淨體今十五歲矣前

恐唐古特人民生變故未發喪令當以丑年十月二十五日出定坐牀

而藏不紀天干惟以地支所屬紀年亦以十二月為一歲以寅為正月仍有閏月但與中國閏不同

如雍正十年壬子閏五月其地閏正月雍正十三年乙卯閏四月其地于甲寅年閏七月更有閏日而無小建假如閏初二則初一日後即初三日無初二矣每月必有初一十五卅而閏日則但于其中間摘去二日耳至班禪因未出痘不敢至京濟隆當竭力致之京師乞全其身命戒體並封進達賴臨終筆頁口鹽拌像上許為祕之待十月

宣示內外而第巴使者歸途遇策妄阿布坦會擒噶爾丹之兵復宣言達賴已厭世爾部落兵毋得妄行策妄阿布坦哭而歸上以第巴始終反覆持兩端乃追還其使傳集各蒙古宣示密封則像首已墮第巴使驚仆于地第巴忌策妄盡收準部故地致

噶爾丹無所歸奏防其猖獗而策妄亦奏第巴奸誘及所立新達
賴之偽欲藉詞侵藏上以二人皆巨測不之許也策妄疏曰藏中舊例以能

掌教者傳之掌教自宗門以來普通菩薩海潮大士無不如是達賴國寂之後第巴匿之不宣令使傳
之聖徒班禪而自尊其身別奉紅教稱麻謂即達賴化身詐傳法旨擾亂諸部此青海諸台
吉所共知請明正其罪云云案普通乃前輩達賴之別號海潮乃前輩班禪之號也四十四

年第巴謀毒拉藏汗不遂欲以兵逐之拉藏汗集眾討誅第巴
詔封拉藏翊法恭順汗拉藏汗者青海固始汗之孫也固始汗既
以衛藏為達賴班禪香火地留其長子鄂其圖汗轄其眾次子達
賚巴圖爾台吉佐之固始汗卒于順治十三年鄂齊圖汗卒于康
熙九年達賚巴圖爾汗卒于三十六年拉藏汗嗣爵後以議立新達

賴刺麻故與第巴交惡至是奏廢第巴所立假達賴詔執獻京師行
之青海病死即方畧所云策妄阿布坦遣使爭迎之而拉藏不遣者也而藏中所立
博克達之伊西嘉木錯為第六世達賴刺麻者青海諸蒙古復不
信之而別裏塘之噶爾藏嘉穆錯為真達賴以康熙二十二年轉
生二歲著靈異至是歲矣諸蒙古迎之青海坐牀請賜冊印與藏
中所奏互相是非上恐梅魯詔斬日居西寧紅山寺旋移塔爾寺塔
爾寺者西寧衛城西南四十里之塔山宗喀巴瘞胞衣地黃教祖始也寺青
海週數百里十三峯環繞之海中有二島人迹不至即唐時所謂龍駒島番
僧習禪定者于水合時裹一歲粮休焉往往出異僧故青海佛法與
西藏相亞兩部爭議未決而策妄擾藏之事起初策妄阿布坦娶拉

藏之姊而贅其子丹衷于伊犁不令歸上以厄魯特狙詐勅拉藏毋恃親疏防拉藏老而醞飲不竟以為意布達拉西北三百里有騰格里海

蒙古語謂天曰騰格里猶言天河也蒙古謂池泊海子皆曰淖爾或作賴爾或作那爾或作諾

爾或作腦爾皆海子之謂西接後藏周數千里其北岸大山橫亘為準夷入藏必由之路有鉄索橋天險一夫拒隘萬眾趑趄更無旁徑拉藏亦不之守也五十五年十月策妄果遣台吉大策零敦多布領精兵六千徒

步繞戈壁逾和闐南大雪山涉險冒瘴晝伏夜行次年七月始達藏界

歸藏

以返丹衷夫婦為名由騰格里海突入敗唐古特兵遂圍攻布達拉誘其象內應開門執殺拉藏汗虜其妻子搜各廟重器送伊犁禁新達賴刺麻于札克布里廟詔西安將軍額倫特以軍數千赴援而侍

衛色稜宣諭蒙古備兵七月師逾木魯河蒙古曰木魯烏蘇華語曰通天河乃西寧
西藏之界也色稜軍拜都嶺額倫特軍出庫賽嶺賊佯敗屢却而精兵伏
喀喇河以待額倫特率所部疾趨欲先河扼狼拉出嶺之險北至喀喇河而
軍皆會賊易月從番衆數萬以其半據河拒我前而分兵潛出我後截
鉤道相持月餘糧盡矢竭九月我師覆馬賊氛益熾青海蒙古皆憚進
藏奏言達賴刺麻可隨地安禪免王師遠涉之勞而大臣皆懲前敗
二看言藏地險遠不決進兵議上以西藏屏蔽青海滇蜀苟準夷盜
據將邊無寧日且賊能衝雪繼險而至何況我軍五十七年命皇十四子
為撫遠大將軍屯青海之木魯河治兵饗將軍傅爾丹富寧安分出巴
里坤阿爾泰以獵其北而將軍噶爾弼出四川將軍延信出青海兩路搗

藏至是西藏諸土伯特不知青海呼畢勒罕之真藏中舊立之質合
詞請于朝乞攤置禪榻詔許給冊印于是蒙古汗王貝勒台吉各
率所部或數千或數百于五十九年春隨大兵扈從達賴刺麻入
藏軍容甚盛大策零敦多布由中路自拒青海軍而分遣其宰
桑以兵三千六百距南路南路將軍噶爾弼招撫巴塘裏塘番衆進
至察木多奪洛隆宗三巴橋之險旋奉大將軍檄俟期並進噶爾弼
恐期久糧匱用副將岳鍾琪以番攻番之計即招土司為前驅集皮船
渡河直趨西藏降番兵七千分兵塞險扼賊饒道而青海軍亦三敗其中途
劫營之賊斬俘千計厄魯特進退受敵遂大潰不敢歸藏即由崔西
路北竄崎嶇凍餒得還伊犁者不及半詔加封宏法覺衆第六達賴_世

刺麻于九月登座取拉藏所立博克達刺麻歸京師盡誅厄魯特刺麻
之助逆者留蒙古兵二千以拉藏舊臣貝子康濟鼐掌前藏台吉顯羅鼐
掌後藏御製平定西藏碑文勒石大招寺蓋自第五世達賴卒後三
十餘年兩立假拉^刺麻西陲倣擾至是始定焉論者謂達摩創法震旦有一
花五葉之識至六世果以衣鉢啟爭故六祖不復傳衣鉢與宗喀巴至第
六世達賴之事若一撒物盛難繼始必有終天數所極佛法不能違而况人

事歟 松筠綏服紀畧曰紅教刺麻最尊者為薩迦呼圖克圖即元帝師巴思巴刺麻之後也

在札什倫布之西宗喀巴初年亦學經於薩迦廟本出源及學成乃自立宗余廵邊見薩迦呼圖克
圖詢其經典悉同黃教其僧亦無眷屬惟薩迦呼圖克圖有妻室僅朔望相見餘時不往來祇
為生子襲衣鉢計其經典皆來自大西天大西天有巴特瑪薩木巴瓦者唐時到藏傳教為紅教

之祖乾隆五十四年駐藏大臣舒濂曾覆奏薩迦本同黃教情形余詢之達賴班禪兩刺麻及濟隆
第穆等皆同此說故青海蒙古及巴塘裏塘番眾凡崇信黃教者亦皆亦薩迦如達賴班禪蓋紅黃
二教本同其近日邪術之紅教乃紅教之末失非薩迦廟之本宗也其與黃教異者一則衣冠異色二則
咒語稍別三則傳子與轉生不同如斯而已又言康熙中喀部為準部所攻破集眾議投俄羅斯
與投中國孰利哲卜尊丹巴刺麻曰俄羅斯持教衣冠俱不同必以我為異類宜投中國與
黃教之地遂定計東向故馭外夷必因其習尚以決人心之去就

紫刺麻即僧應僧衣僧冠其袈裟紅色本佛舊制所謂僧伽梨也袈裟偏袒右肩惟禮佛坐說法
用之其常服則緇衣故曰緇門所謂壞色衣也不當概服赭衣尤不當概赭其冠黃教起于明世應
服黃袈裟亦同此例乃今京師刺麻不惟冠服一概紅黃且不服袈裟而袍鞋頂戴與在家軍民官
吏無別不知起于何時及考常熟錢良策出塞紀畧曰歸化城刺麻廟有僧被黃衣袒右肩南

面坐院呼圖克圖自言能憶前生數世貌莊氣靜類有道者青浦杜昌丁藏行紀程曰大中甸紅教大刺麻一人其下刺麻數百皆偏袒右肩紅氍毹為衣余慶遠維西見聞記曰維西黃教刺麻闊袖長衣隆冬亦露兩肘夏戴平頂竹笠冬戴平頂方氈帽如內地僧帽之式乃知刺麻雖紅黃異教而在番地藏地仍服袈裟僧帽不同在家之衣其有品級大刺麻皆年班奉旨入覲始易頂戴袍鞋此外散小刺麻何以概同在家俗服此不可解者一也俗稱歡喜佛者形同祕戲乃元季番僧導欲誨滌之術元順帝供諸宮內卒亡其國稍知佛律即當恥之且官府亦崇奉之乃西藏蒙古及京師刺麻寺中皆有圖像供設恬不為怪試問本何經教起何敬信其呼圖克圖不禁之官府亦不禁之此不可解者二也至于轉世之說惟黃教有之紅教則以生子襲衣鉢乃維西見聞記則稱紅教刺麻十三種維西係格馬一種其長五人輪回生番地掌教名曰五寶維西五寺紅教八百人皆格馬五寶之種也乾隆八年紅教謨勒孤刺麻轉生于維西民家名曰達札年七

歲其弟子輩十知而尋至達札先一日即告知父母及期採珠認鉢及所書心經笑摩衆頂歷言
前生時不爽遠近爭販頂禮迎去又善知識刺麻者亦格馬五寶刺麻之高弟子乾隆己卯轉生
于維西通事王善家丁亥年五寶命刺麻數人以金銀馬騾夾迎入藏每程未至之山川此幼刺麻
皆能預言之則是紅教亦有呼畢勒罕轉世不獨黃教矣存此以備攷

附錄康輜紀行

西藏賦注云明番僧宗喀巴名羅卜藏札克巴生於永樂十五年丁酉幼而神異精通佛法號曰勒
瓦宗喀巴在大雪山修苦行掇倫經其所立也達賴刺麻至大詔衆刺麻必誦是經宗喀巴初
出家時學經於薩迦廟之呼圖克圖乃元時八思巴之後為紅帽教之宗宗喀巴修行既成為番衆
所敬信衣紫衣相傳其受戒時染僧帽諸色不成惟黃色立成遂名為黃教其教大行最
盛於前藏今拉薩諸廟咸供奉其像余按泰庵此注本之布達拉經簿蓋刺麻之家譜也凡

刺麻歷代源流事蹟無不具載二時有續修各處刺麻皆有之稽考前代必以往傳為據和賦
成於乾隆五十八年癸丑時為駐藏大臣故得見之而經簿所載止及其時後無聞焉據此言之是黃
教之先本亦出於紅教矣經簿云達賴刺麻宗喀巴之大弟子也班禪額爾德尼宗喀巴之二弟子
也頭輩達賴刺麻名根敦珠巴生於明洪武二十四年辛未在略那木薩略木青照饒巴處出家二
十歲受大戒創建札什倫布廟誦穆倫經其時有博洞班禪在雪地修行聞名信附遂就根敦
珠巴為湯徹清巴壽八十六歲第二輩名根敦嘉木磋生於成化十二年丙申創建郡科爾汪廟第
第三輩名索諾木嘉木磋生於嘉慶二十二年癸卯親赴各蒙古地方布行黃教蒙古王等咸稱
為達賴刺麻班禪額爾德尼在萬歷間封為大國師第四輩名雲丹嘉木錯生於萬歷十七年己
丑生蒙古地方敬格家爾十五歲至藏在噶勒丹寺坐臺之桑結仁慶處出家班禪羅卜藏曲津處受
大戒萬歷間封為沙布達多爾濟桑結能驅邪逐祟曾於石上踏留足印第五輩名阿旺羅卜藏

嘉木磋萬歷四十五年生於前藏崇結薩爾合王家其生之日與釋迦牟尼佛同在班禪羅卜藏曲
津處出家受大戒國朝崇德七年達賴刺麻同班禪刺麻差烏巴什台吉達盛京進貢約行差事
順治元年達賴刺麻差人進貢九年入覲世祖章^皇帝賜居西黃寺封為掌天下黃教西方自
在佛足墨多爾濟嘉木磋刺麻金冊十五頁第六輩名羅卜藏林沁倉洋嘉木磋康熙二十二年
生於蒙巴拉沃松地方按通志康熙四十四年因拉藏汗請以何王伊西為達賴刺麻疑即此第輩
名羅卜藏噶勒桑嘉木磋康熙四十七年生於裏塘地方在察漢諾們罕家出家按此即圖識所
云噶爾藏嘉慕也十三歲康熙五十九年賜達賴刺麻名號統領黃教勅書金印雍正二年賜西
方湯徹清巴巴木載達賴刺麻掌天下釋教金冊金印第八輩名羅卜藏丹碑旺楚克江巴爾
嘉木磋乾隆二十三年戊寅生於後藏托結地方

又云班禪第一輩名刻珠尼瑪綽爾濟伽勒布格爾生於明正統十年己丑第二輩名珠拜旺曲索諾木綽爾

濟朗布生年缺第三輩名結珠拜旺曲羅卜藏敦玉珠巴生於宏治十八年乙丑第四輩名班禪羅卜藏

綽爾濟嘉勒參生於隆慶元年丁卯國朝崇德七年遺使進貢太宗文皇帝詔令班禪達賴

二人內少者拜年長者為師學習經典壽九十六歲第五輩名班禪羅卜藏伊喜生於

康熙二年癸卯五十二年賜金冊印注明札什倫布各廟宇地方屬班禪管理第六輩名班禪

哲布尊巴勒丹伊喜生於乾隆三年戊午三十年賜金冊四十五年入覲賜四體字玉冊玉印第七輩

生於乾隆四十七年壬寅達賴刺麻有金印玉寶其金印文曰敕封西天大善自在佛統領天下釋教

普通瓦赤拉坦達刺麻之印玉印文通同惟不稱印而稱寶又有金冊玉冊玉冊長六寸餘寬約四寸

頁厚二分邊刻龍文面書敕封達賴刺麻玉冊其字四體前漢文次唐古特文次蒙古文最後清文

國書右行字在先清文次蒙古文次唐古特文最後乃漢文也冊凡十五頁不聯金冊大小如之亦十五頁

而聯其腦如展書者矣皆紫檀座盛班禪額爾德尼有金印金冊無玉印玉冊達賴刺麻之下有寧圖

克圖一為濟隆二為第穆皆以所轄地名稱之濟隆在後藏之南第穆在工布又有二那門汗或作諾門汗一為榮增那門汗榮增者梵言師父為達賴授經之師也為噶勒丹錫呼圖薩瑪第巴克什那門汗其人名阿旺札布巴勒楚勒齊木兆州人先時在京師以前輩達賴圓寂至藏為那門汗代理賞噶勒丹錫十二字名號道光二十四年駐藏大臣奏革之白例達賴圓寂班禪或兩呼圖克圖及那門汗代理呼圖克圖較尊那門汗次之阿旺札布巴勒楚勒齊木前後代理達賴事二十餘年跋扈不法十輩達賴刺麻之死藏人洶洶言其謀毒堪布及眾刺麻群訴於大臣事無左驗莫能究也有不服者更以抵罪阿旺札布巴益驕党羽日眾厚結大臣以自固至是敗竄黑龍江藏中管理寺院講習經典之僧官皆名堪布最大者曰總堪布次曰通巴堪布達爾罕堪布品級大小有差札薩克三人乃濟隆第穆兩呼圖克圖及那門汗理事之大僧官也歲琿者達賴刺麻起居之內侍也其次曰森琿又次曰曲琿職司經卷又次曰孜仲職司熬茶歲琿以下皆堪布

之有職司者卓尼爾達賴之傳事者也達賴刺麻山上貯金銀鑲匠珍寶之內庫曰商上主庫之僧
官曰商卓特巴曰仔珠皆四品商卓特巴本即倉儲巴以諸處比日有故特異其名其主徵收者曰
業爾倉巴五品主刑名詞訟者曰噶廈曰協爾第五品主文書者曰大中譯六品曰小中譯七品
通傳譯語者曰羅藏姓主馬廠者達珠六品分管地方曰希約第巴曰郎仔轄第巴皆五品掌戶
口冊者曰密珠五品主兵者曰戴珠次曰加珠次曰甲珠次曰定珠代達賴理事者曰第巴統理兵馬
刑名者曰噶布倫又作噶倫三品噶布倫凡四人格隆者戒僧也格隆之熟經典者曰格喜修行未
深初轉三世者曰沙布倫通稱刺麻弟子曰托音俗官初入籍者曰東科爾又有邊缺大營官小營
官皆主地方及兵事其仔珠商卓特巴噶布倫有缺駐藏大臣會同達賴刺麻選擬正陪二
人請旨補用餘皆會同揀放其他如管門管官草管措紀帳房牛羊廠諸職事均較達賴刺
麻自用之乾隆五十七年大學士福公奏定其制令達賴^賴刺麻為上輩其十輩於道光十六年圍寂

相傳達賴喇嘛每於圓寂時先示人以降生之處其弟子大堪布往訪得之小兒初見即能相
識乾隆中乃發金瓶至藏貯數小兒名刺手簽以訪詐偽圓寂後駐藏大臣行文各路民間有
呈報靈異者或有徵驗藏內則遣大堪布噶布倫持達賴生前常愛用之物數事雜以他物
生字
試之其兒指取不爽或見堪布出二語乃臨圓寂時事則令其父母携至後慶（距前藏之站地
不遠）凡如此者或二人或三四人駐藏大臣覆驗擇日以金瓶刺手籤前七日各大寺喇嘛度
誠誦經帶辦大臣至大招行禮用牙籤書各小兒名如其數人各一籤彌封貯瓶內蓋之駐藏大
臣行禮啟蓋掣取其一對眾拆封即知為某小兒名則率眾至後慶迎入大招堪布日夕守護
具奏入呼畢勒罕冊上命章嘉呼圖克圖至藏照科坐牀六歲學經七歲受小戒即學禪
坐不令卧藏內公事皆班禪或呼圖克圖代決十六歲乃自理事

謝都蘭又言今達賴喇嘛道光十五年生於裏塘之泰寧其祖父本陝人以業密至泰寧父習其業

番女也昔藏中亂時達賴刺麻嘗被林泰寧故亦為勝地達賴生甫三歲藏中蹤跡得之自
其家移大寺中有五色雲覆頂初不之信及迎至藏將近布達拉親見其上有五色雲如蓋隨
至布達拉大寺坐牀後始散乃知靈異非虛余謂達賴初微職一旦置身青雲始在孩提即為天
子隆重二萬里王古僧俗男婦無不誠心敬礼苟能福滋殊異何能臻此昔漢高祖所在其上常
有雲氣韓魏公廷唱第一太史奏五色雲見古有之矣天降靈祥必此去矣今之達賴其有殊
乎抑嘗思之人之始生本二氣之精與星辰同體惟受生後物欲染蔽其靈敏展轉死生精氣耗

剝乃與常人無異也守貞抱一之士與豪傑奇偉之人精氣堅凝或以特發現理固宜然不足怪
也漢高祖漢魏公與此刺麻之雲蓋象氣所凝雖庸人亦然不過盛衰明暗之殊耳右達賴

刺麻頂上雲氣 紅教刺麻有法術能咒刀入石復屈而結之又能為風雪殺鬼神此虛也然自屈

服於黃教蓋黃教惟誦經典習靜坐禪不為幻法而諸邪不能侵之故番人雖愚其敬黃教

尤在紅教之上此佛圖澄所以不如鳩摩羅什而鳩羅什又不如達摩也然藏中達賴喇嘛及班禪
額爾德尼僅以信心無漏為轉世法他無異處其轉世亦在可知不可知之間如未上乘似不爾也
駐藏大臣以那門汗阿旺札布巴勒楚勒齊木不法革遣之達賴尚幼訪於班禪以戒其獄夫者
人心及班^禪返後藏番人敬礼大衰班禪泣而悔之卡雅大二呼圖克圖既以擯兵結訟類伍齊之大
二呼圖克圖上以爭权不睦西才之教不上衰甚乎右黃教紅教之異

西藏記下集

駐藏大臣何昉乎昉于雍正之初而定于乾隆之中葉初雍正元年哲卜尊丹巴呼圖克圖自喀爾喀部來朝卒于京師年九十矣上親臨奠賜名號冊印如達賴班禪之例遣使護其喪歸庫倫其後五年喀爾喀奏呼圖克圖呼畢勒罕轉生于庫倫詔賜金拾萬造寺以綏喀爾喀之衆又為駐京之章嘉呼圖克圖後身造寺于多倫洵以綏內蒙古之衆章嘉者上年雍邸時所存從咨佛法者也方是時世宗憲皇帝天縱神悟夙覺大乘優禮高僧方將以君師崇宏法教普利郡生而二年即有青海刺麻助羅卜藏丹津之叛其青海諸寺刺麻衆各數千郡起騷動甚至以察罕諾們汗大刺麻亦黨賊拒戰王師討平之上謂玷辱宗門莫斯為甚

乃收各寺明國師禪師印并定制廟舍毋逾二百楹衆毋逾三百人冬藏中噶
布倫等三人忌貝子康濟胤之權聚兵害之欲投準噶爾詔將軍查郎
阿率川陝滇兵萬有五千進討未至而台吉頗羅胤率後藏及阿里兵
九千截賊去路擒逆詔以頗羅胤為貝子總事藏賜犒兵銀三萬兩留大
臣正副二人領川陝兵二千分駐前後藏鎮撫之是為大臣駐藏之始是年
準噶爾策妄阿布坦死子噶爾丹策零立請赴藏熬茶又聲言欲送
還所虜拉藏汗二子詔嚴兵備之乃收前藏東部之巴塘裏塘歸
四川設宣撫土司治之其中甸維西隸雲南設二廳治之惟察木多
以外各土司仍隸西藏移達賴利麻于西裏塘之裏遠廟以避準噶
爾裏遠廟番名噶達寺八年遷于泰寧護以兵千每年夏初西藏官兵

赴防北路騰格里海之隘以備準夷冬雪封山撤兵蓋從準入藏之路有三
其極西由葉爾羌至阿里中隔大山迂遠易預備其東路之喀刺河
又有青海蒙古隔之惟中路之騰格里海逼近衛地故防守尤要十二年
準噶爾請和詔果親王章呼圖克圖赴川達賴由泰寧歸藏滅
成藏兵四之三其哲卜尊丹巴于九年移多倫泊以避準噶爾者至是
二返庫倫章嘉為達賴刺麻請巴塘裏地塘還前藏以其為達賴所
降生諸土司建寺安禪制最宏麗也詔以其商稅賜之地仍內屬乾隆
三年噶爾丹策零復請入藏熬茶始許之時貝子頗羅鼐懲前
敗練萬騎又練步兵萬有五千于通準夷各路嚴設卡倫噶爾丹策
零自是不敢窺藏而西南之巴勒布三部及布魯克部相繼嚮風

入貢藏地教謚詔晉頗羅鼐郡王至乾隆十五年而有朱爾墨特之
變朱爾墨特者頗羅鼐之子也于十二年襲封郡王以駐藏大臣不
便于己先奏罷駐防之兵陰通書準噶爾請兵為外應旋襲殺其兄
揚言準部兵至聚黨二千謀變駐藏都統傅清在都御史拉布敦
覺其逆芽欲先發而左右無一兵乃以計誘之寺中登樓手刃之旋害
于賊黨時第世班禪已卒乾隆四年卒達賴刺麻使者番部公富財班替
達攝藏事擒逆党以聞將軍策楞班第至藏詔以二臣先事請變贈
一等伯即以其地立雙中心祠永禁唐古特及準夷往來之使至是西藏
始不封汗王貝子以四噶布倫分其權而總于達賴刺麻駐藏大臣
增兵千有五百戍藏其國事猶不盡預聞也二十二年蕩平伊犁藏地始永

無準夷患是年第六世達賴刺麻亦卒初厄魯特世濟其凶亦名扶
黃教自固始汗即以此據衛藏雄諸部及噶爾丹自藏歸稱受博
碩克圖汗之封于達賴策妄阿布坦破藏歸復稱受寶權大慶
王之封于達賴皆鑄鐵章梵文以賜于是立固爾札廟于伊犁河北
立海努克廟于河南取所掠藏中供器實之飯厄魯特刺麻六十餘
供養以九集寮萬六百戶其大刺麻坐牀者四人曰西勒圖其誦經室曰
都綱薩刺螺唎幾埒西藏大疑大計皆決焉策妄及噶爾丹策零那
木札爾三世嗣位皆請赴藏熬茶誦經每次費二十餘萬朝廷亦賜葉
香帕以助其施刺麻達爾札達瓦齊之得立及與阿睦爾撒納之擒蒙
皆伊犁刺麻為之阿睦爾撒納從王師定伊犁即使人赴藏熬茶祝已

得總四部特當振興黃教又使固爾札廟刺麻請將軍必使已主伊犁
迨叛後上疏猶以各大臣踞高坐見刺麻激變為詞敗則劫奪刺麻馬駝
以遁故御撰平定準部碑云其口奉佛其心乃如夜叉羅刹之食人其
所奉刺麻六類以淫教為佛事與青海一轍王師再至伊犁遙
望火光燭天則固爾札廟災刺麻皆焦土與崇奉刺麻之憨酋同
歸一劫亦黃教一大變局也至是詔勅固爾札廟式立安遠廟于熱
河選置高行刺麻以綏四衛拉來歸之衆時哲卜尊丹巴呼圖克圖于
喀爾喀郡王青滾雜布謀叛時先集各部落王公宣諭利害毋為賊煽詔
加封教教安衆大刺麻四十五年高宗七十萬壽第六世班禪來朝祝釐
謹仿後藏札什倫布式建須彌福壽之廟于熱河班禪第世曰凱珠布格塔

克藏^已勒藏^已無致班禪自崇德中同達賴通貢順治初以年老未隨達

賴入覲者皆其第四世羅卜藏垂吉嘉穆錯也第五世曰羅卜藏伊什

于乾隆二年示寂第六世曰羅卜藏巴丹伊什于乾隆六年登座至是年四

十有二矣七月班禪至樓見于避暑山莊之澹泊誠敬殿初上習蒙古語及

平田部金川即習回語西番語茲因班禪來覲復習唐古特語故重

譯朝見告語如一家舊以達賴班禪有高行入覲惟跪不拜至是班禪

因請拜上嘉其恪誠從之至京接見于南苑德壽寺仍居西黃寺講經

致參皆世祖禮達賴處也京師西山有僧某者往論佛法責以宜居西番

清淨式象不宜入中國過崇奉^受班禪謝之十月以痘終京師詔即其地

建清淨化域明年春舍利金龕西歸駕幸西黃寺拈香送之而留其高第

子羅卜藏敦珠布者領班第二人住持札什倫布廟傳授後藏經律
選內地刺麻百八十人習馬是年遣使賣丹印封第七世達賴刺麻特年
二十二歲尚未受封至是班禪卒乃封達賴以綏唐古特之衆初前後藏地
近葱嶺寒礪不宜五穀惟青稞豆麥牛羊不贍于食且僧多于百姓
故仰中國之茶布與蒙古諸番之布施及班禪入覲朝廷所錫賞在京
各王公及草地各番蒙所供養其徒擁之歸者無慮數十萬金而寶冠瓔
珞金珠目明玉之鉢鏤金之袈裟旃檀華幡磁茗朱帛珍瓊不可勝計仲巴
呼圖者班禪刺麻之兄也為班禪治商上事遂盡有其財雖其弟舍瑪爾巴
則以習紅教不得分惠又衛藏數千里番騎萬有四千番步兵五萬皆達
賴所轄班禪惟住持寺廟不轄地故于達賴所屬之戴琿第巴等及守

後藏之唐古特兵皆外視之一無施舍于是舍瑪爾巴垂涎不遂憤咬
廓爾喀引之入寇時達賴刺麻年久不知調度唐古特兵扼險要
駐藏大臣巴忠鄂輝成德等復調停賄和不敢戰于是廓爾
喀無忌飽颺而去五十六年復深入福康安海蘭察大舉討平之
語具別記留土番兵三千漢蒙古兵千戍藏自是駐藏二大臣行
事儀注始與達賴班禪平等其四噶布倫及番目缺均大臣與達
賴會同選授定商上刺麻銀錢出入之額與春秋巡查鄂博之制于是
事權始歸一自唐以來未有以郡縣治衛藏如今日者其惑衆倡
逃之刺麻濟仲扎蒼等刺黃伏法仲巴呼圖擒至京師治罪
而紅教之舍瑪爾巴亦繳賊獻其尸自元明以來未有以齊民治番

僧如今日者初達賴刺麻之呼畢勒罕一世二世出後藏三世出前藏四世
出蒙古五世出前藏六世出裏塘當非一地一族班禪及各大呼圖克圖
亦然至乾隆末而各大刺麻類多兄弟叔侄且多出蒙古汗王貝勒子
弟甚至哲卜尊丹巴示寂適土謝圖汗之福晉有妊衆即指為呼畢
勒罕及彌月竟生一女尤胎口實負損蒙古之敬信蓋宗喀巴經言達
賴六世班禪七世後不復再來故登座者無復真觀密諦祇憑垂仲
降神指示垂仲者猶內之師巫也又達賴班禪親族多營為大呼圖
克圖以專財利致有仲巴呼圖兄弟誨盜之禍上久悉其弊欲革之
而未有會也乘用兵之後特運神斷創頒金奔巴瓶一供于中藏之
大招寺遇有呼畢勒罕出世互報差異者納籤瓶中誦經降神大

臣會同達賴或班禪于宗喀巴前掣之而各扎薩克蒙古所奉之呼圖
克圖其呼畢勒罕將出世亦報名理藩院與住宗之嘉呼圖克圖掣
之瓶供雍和宮元明以來所未有章嘉呼圖克圖者其先於康
熙中自藏來朝乃第五輩達賴之大弟子也聖祖優禮之命住持
蒙古多倫泊之彙宗寺章嘉通宗乘為世宗藩邸時所敬違其
第二世呼畢勒罕轉生于多倫泊詔造善因寺居之高宗朝奉詔
來京師翻定大藏經咒奏言其國五百年前有狼達爾瑪汗者滅法
毀教其後諸高僧補綴未全首楞嚴經已佚借此土本回譯而歸又佐
莊親王修同文韻統晚年病目能以捫經卷而辨其字于四十一年跌逝
京師是為黃教第四支與哲卜尊丹巴一支皆主持蒙古亞于達賴班

禪二支而藏中之紅帽十三支黑帽數小支則不暇詳述云綜計刺麻之能
出呼畢勒罕入理藩院冊者西藏院呼圖克圖者十有八號沙布隆者十
有二漠北蒙古十有九漠南蒙古五十有七青海番地三十有五四川察木多番
地五又駐京呼圖克圖十有四共呼畢勒罕百有六十惟青海諾們汗一
支久同世襲許以親族入籤又嘉慶十三年第八世達賴刺麻之呼畢勒
罕靈徵象著由駐藏大臣奏聞請旨不復籤掣是二者為破格
然康熙中有丹巴呼圖克圖者出世時能自述前生時受封清修禪師
住持五台山竟以酒色不減本退是能知夙命之真呼畢勒罕隔世尚或
迷其本性云凡刺麻朝貢除達賴班禪哲卜尊丹巴三人歲遣貢使不列
年班外其餘大刺麻駐漠南北蒙古各部者班六每歲一至岷州刺麻

班固三歲一至凡西藏之刺麻皆袈裟僧衣惟將入朝貢始易內地衣冠
其駐京刺麻或在京掌教或赴藏辦事或分駐盛京熱河多倫洎
五台山或旅往伊犁及四川之懋功寺分闡黃教三歲而更代

臣源曰佛法出五印度更在烏斯藏西南逾葱嶺越廓爾喀其水為
恆河西南流入海今通互市之孟買孟加臘等處即南印度其海曰
印度洋云烏斯藏則在葱嶺之東水皆東流故唐以前羅什玄奘譯
經皆從涼州西出陽關玉門達摩諸高僧又至自南海皆不經藏地西
藏實非古佛國而元明以來佛教則衛藏為甚其始不過內受冊封
師弟相嗣至宗喀巴崛起不藉中朝封號而復出諸大法王上兼以

修風命通化身轉世為神奇西北諸行國常視為響背中國常用

為衛勒亦佛法因緣有時會興廢非人力歟夫大雄涅槃不聞轉世即
宗喀巴經亦達賴班禪轉生止六七世自後不復再來今之黃教非西之
黃教尤非古之釋教宜若可以已焉然若心嶺以東惟回部諸城郭國自
為教外其土伯特四部青海二十九旗厄魯特汗王各旗喀爾喀八十二旗
蒙古游牧五十九旗滇蜀邊番數十土司皆黃教使無世世轉生之呼畢
勒罕以鎮服僧俗則數百萬眾必互相雄長狼性野心且決驟而不可
制南北朝時西域數十國迎法師求舍利動至兵爭為部落安危所係
蓋邊方好殺而佛戒殺且神異能降服其心此非堯舜周公之教所能
馴也高宗神聖百族稟命詔達賴班禪兩僧當世永生西土維
持教化故衛藏安而西北之邊境安黃教服而準蒙之番民皆服傳

曰修其教不異其俗民可由不可使知蓋至金奔巴瓶之頒而大聖人
神道設教變通宜民者如山如海高深莫測矣天章丁寧申諭比
於吏部之為籤部視元代尊奉帝師干紀妨政者曷可復道里計
允矣曼珠師利天可汗哉曼珠師利天可汗哉達賴進表稱曼珠師利查皇

帝蓋曼珠音因滿珠即滿洲轉音也

附錄

欽定蒙古源流八卷今節錄其畧曰蒙古者土伯特國之分支土伯特又額
納特珂克之分支也額納特珂克國即中印度距釋迦牟尼佛涅槃之戊
子歲千有八百二十一年有烏迪雅納汗者為鄰國所敗棄葉印度東走雪
山至雅爾隆贊塘遂為雅爾隆氏至其季子生有異表衣戴為汗由此

勝四方而為八十八萬土伯特國主，是為尼雅特博汗，歷傳七汗而為奸臣隆納木所篡，奉載復為舊臣，恢復迎前汗之子立之，復歷七傳至多里隆贊，是為衍慶七汗。距佛涅槃之戊子年二千四百八十一年矣。得百拜懺悔經、多寶經及金塔寶匣，敬謹供養禪教，遂興復歷七傳，謂之妙音七汗。距前佛涅槃戊子年二千七百五十年矣。第七汗之子曰特勒德蘇隆贊，年十六歲即汗位，遣其十六臣至額納特珂克國中，傳音韻之學。五證土伯特之三十字母合入四聲於原三十四字內刪去十字，以其餘二十三字與土伯特始創之六字並原阿字定為三十字母。各分音韻，將禪經百拜懺悔經、三寶雲經俱繙譯成文，修政治制，刑法屏十惡行十善。既而娶巴布勒國王之女，又婚唐太宗女文成公

主各齋經卷佛像來土伯特國於是令中印度之桑吉刺必滿師
巴布勒國之錫拉滿祖師鄂斯達師及唐僧瑪哈德幹師等繙
譯宣布歲次戊戌年八十二年^歲矣歿歷四傳至玄孫持蘇隴德燦
娶唐肅宗女金城公主迎請中印度之堪布博迪薩都師及巴
特瑪師一廣建法輪一制伏妖魅其廟宇佛殿下層肖土伯特中層
肖唐地上層肖中印度中供三世佛四面四隅象四大部洲八小部洲會
萃騎魔之咒日月之象得力四大覺路及八碼哈噶拉之大廟四大學園
并光明塔共三十廟宇環以金輪自汗年二十二歲興工至三十四歲始成
於是招集法衆向高行巴特瑪師練習祕咒受諸法要及七百二十佛
之灌頂又選土伯特童子學譯印度語言文字汗在位五十七年壽六

十九歲歿子穆迪贊博立與唐懿宗及印度之達爾瑪巴拉汗同時年
五十四歲歿距前佛涅槃歲戊子歲二千九百九十九年矣子達爾瑪特
松即位擊敗唐兵建造千廟復補翻從前未譯之經卷樓盈髮之
數各繫一哈達每哈達各座一僧供奉敷揚年三十六歲卒自丁未
肇興法教至此辛酉歷四百九十五年汗卒無子其兄朗達爾瑪汗嗣
立其前世為象曾設惡願遂將三乘三藏經教僧衆全行毀滅年六
十三歲為下所殺至其再傳孫巴勒科爾贊復興佛法年三十六歲歿子
札實則克已推廣禪教招回前汗滅法時逃出高僧兼遣子弟大臣
二十五人往中印度延請高行善知識至土伯特將經藏祕咒盡行
翻寫距戊子涅槃歲三千一百二十三年也其子隴吉即汗位復請得

昭阿通沙師再翻經教此土伯特汗興教源流也蒙古亦土伯特裔
之分支當尼雅特博七世孫為隆納木所篡時其季子布爾特齊
諾逃至恭博地方往渡騰斯海東至拜噶勒江遇必塔地方人衆詢知
為額納特珂克之裔土伯特汗之子遂群戴為君十二傳至多幹
索和爾多博墨牛根兄弟俱為厄魯特巴噶圖特和特奇喇古特
四姓之衛拉特多幹索和爾生七子其季勃端察爾始居鄂諾江
招服鄂鄂爾察克部落七傳至哈布勒汗哈布勒汗三傳生欽
木真是為元太祖成吉斯汗暨三弟哈薩爾哈濟錦諤楚肯並為
蒙古各部之祖成吉斯汗年三十三歲起兵伐金三十五歲進兵托克摩
克斬蕭古里蘇勒德汗二十七歲破克里葉特之翁汗三十九歲破奈

曼之圖們汗四十一歲破郭爾四維斯之納琳汗四十三歲破哈爾里因
特之阿爾薩蘭汗四十五歲用兵土伯特之古魯格多爾濟汗其
汗遣使獻馳馬輜重無算成吉思汗因致書於薩嘉察克羅
卜幹阿難達噶爾貝刺麻遙申暇里由是收服阿里三部屬八十
萬土伯特人衆遂進征額特珂克直抵齊塔納凌嶺之山脊過一獨
再獸名曰塞魯奔至汗前屈其膝而叩汗曰彼額特珂克乃
古昔佛菩薩大聖降生之地今此奇獸至前殆上天示意遂振
旅而還遣使諭薩爾塔克沁之諸巴海汗不從四十七歲攻諸巴海
汗滅之於是成吉斯汗曰承上帝之命駕馭天下十二強汗平定
諸惡劣小汗今當養身息心安居十有九年惟唐古特人衆未服

丁亥歲遂攻錫都爾固汗圍其城擒其汗收其哈屯遂病終旋於
阿勒台山之陰哈岱山陽之大鄂特地方建陵寢立白室八間號為索
多博克達大元成吉斯汗所生四子令長子察干岱於俄羅斯
地方即汗位次子珠齊於托克瑪地方即汗位三子鄂德格依留
守汗位幼子拖雷守產早歿鄂德格依年四十七歲歿子庫裕
克汗立 在位六月卒 次子庫騰汗立 因龍崇魔侵患 病延請
西方帕克巴刺密特刺麻此刺麻者生距涅槃戊子三千三百七
十五年 年二十七歲 往額納特珂克與左道六師異端辨難窮其
詞獲班第達之蹕而歸 其叔父亦有道高僧先謂之曰 日後有東
方蒙古國庫騰汗遣使請汝 汝必往行 當於彼處大興佛教 因示

卦驗至是六十三歲起程六十六歲至蒙古國與汗灌頂病立愈遂禪教
刺麻年七十歲圓寂其歲汗亦同歿其拖雷汗之長子嗣立在位八
年年四十六歲卒次子忽必烈汗立即元世祖年四十六歲即位
夏居上都冬居大都平定四大國其特帕克巴刺密特之姪瑪
迪都幹咱繼刺麻位傳經唄受灌頂之時則刺麻坐於牀上汗坐
於下辨理政事時則汗與刺麻俱坐於牀上與汗講功德喜金
剛根本經汗大敬服汗在位三十六年享年八十二歲自是凡歷數傳每
汗各奉一帝師至托歡鉄木爾汗嗣立是為元順^帝忽汗^帝斡^帝讒殺
脫脫太師占夢於阿難達麻第刺麻刺麻以災異凶兆告之汗怒
不悅刺麻遂辭歸唐古特大元汗遂由古北口出亡作歌悔泣距成

吉斯汗降生壬午歲凡二百零七年距成吉斯汗即位戊申歲凡
百有八十年傳位共十五汗四方大亂各處轉戰蒙古兵四十萬衆
惟脫出六萬聚集於克魯倫河起造巴爾斯和坦城分所轄部為
左右翼每翼三萬人年五十三歲歿屢傳至達延汗太祖之十五世
孫也其時插漢小王子已徙漠南而達延汗留漠北用兵破平部
落收左右翼三萬人之衆於祖汗之八百室前即位稱汗號八白
室元太祖之廟也在位七十四年年八十歲歿其季子生七孫
為喀爾喀七博羅特汗其十一子為漠南九部汗其九部汗內
有巴爾斯博羅特子七人長子衮必克里墨爾招據鄂爾多
斯部為其祖汗守八百室之人領右翼三萬衆次子阿勒坦

汗即俺答據十二土默特部而居領左翼三萬衆尤強於諸部阿勒
坦汗年四十七年^歲用兵并瓦剌四部六十六歲侵掠中國於是大明
隆慶帝給封號金印誨和六十八歲歲次癸酉用兵土伯特地方收服
阿木多喀木等部落於是阿里克刺麻為汗嗔誦大有益分
別取舍等經解脫三惡緣及來世罪孽汗遂茹志經典始念六字
心咒其姪鄂多斯^爾部博克圖濟農年二十七歲往見其叔阿勒坦
汗諫曰前世失陷城池因與中國之人結仇以致失亡世絕今汗壽
已高漸至於老事之有益今生及來世者惟在經教今聞西方純
雪地方大慈大悲觀世音菩薩出現祈遣使請來依從前神祖
忽必烈汗與帕克刺巴刺麻設立釋教豈非盛事乎阿勒坦

然之遂與右翼三萬人和好遣使聖識一切之索落木札木蘇呼圖
克圖使人未至其聖識刺麻靜坐微笑曰阿勒汗呼前世已經善緣
我今必往於是左翼蒙古三萬人議於青海之察卜齊雅勒地
方修造廟宇初遣八百人往迎次遣千人往迎再遣三千人往迎
四次汗自領萬人迎於察布哈勒廟每次獻幣帛諸寶駝馬
無算刺麻為各言其前世三生善緣於是諸台吉奏言前
世成吉斯汗之孫庫騰汗與忽必烈汗以釋教使天下太平今
值屢世爭鬪之餘但值聖刺麻與大力汗二人相遇伏願至今
將湧血之大江變為溢乳之淨海普徧大眾無有窮極是時
漢番土伯特蒙古等十餘萬人無不贊歎難希有從前蒙古人

死後多宰駝馬殉葬為行糧自此改按八節持戒誦經每月
治齋三日禁殺牲漁獵創立十善福政尊以聖識一切瓦齊兒達
賴刺麻之號刺麻亦增汗台吉等以經教護法之號阿勒坦許於
歸化城立廟以八寶莊嚴佛像博碩克圖汗許將一百八函甘珠
爾經用寶石金銀裝修達賴刺麻亦許於厄齊木搭拉地
造彌勒佛像使其徒呼圖克圖先往廟中入馬而明正土人獻寶
助工既而刺麻親至天散花雨又收服雷擊刺麻之術士引入菩提
皆大明隆慶帝在位時事也及阿勒坦汗與徹辰洪台吉相繼
歿各部復迎聖識達賴刺麻至鄂爾多斯地坐禪三月又至
土默特之地焚化阿勒坦汗骨殖復往各部落宣講經教於

是察哈爾之圖門汗與大明萬歷帝各遣使敦請往宣法
教聖刺麻曰大國汗之請此為己身實為衆生扶持佛教
欲往之心此不甚切但凡物之生有始必有終今將他往以施濟
利遂於使者前入定坐化茶毗獲舍利無算生於壬寅距佛涅槃
戊子年三千六百七十五年卒於戊子年三月二十六日年四十七
歲其呼畢勒罕托生於圖古隆汗福晉之身以乙丑歲降生是
為第四世達賴年十四歲土伯特遣使往迎從聖識一切班禪頌
德尼出家受格隆戒譯為聖識一切編丹札木札達賴刺麻由是土
伯特之呼圖克圖等議以蒙古地方竟無掌教坐牀之刺麻乃
擇大慈津巴札木蘇之呼畢勒罕往坐牀於蒙古遂稱為

大慈邁達里呼圖克圖衆尊以大慈諾門汗之號并上博碩克
圖濟農號為轉金輪徹辰濟農汗濟農汗年五十九歲錄完
金字甘珠爾經又發願前往西藏宗喀巴之肆約囊蘇處敦請
丹珠爾經至歲次甲子年六十歲歿此達賴刺麻外別出住持
蒙古之諾們汗一支也又博克達班禪一支乃曩昔大乘聲聞
之羅漢博授金剛經在額納特珂克地方生生世世闡揚正法
屏去異端遂獲金剛不壞法身今化為土伯特班禪額爾德尼
歲次己未蒙古土默特等汗行兵土伯特收服藏巴汗十萬大兵
時班禪正在札什倫布廟坐禪忽然心動遂垂號諾爾旺布
之馬候至兩軍之間大衆駭異其前知三世之巴特瑪三博幹能

知未來經有云五百年後濟能特河界搆兵之界際當有惻隱菩薩於札克博里山救十萬人之命於是大眾得聞金剛灌頂秘密之教無不如願又歲次丙辰第四世達賴刺麻蘊丹札木索年二十八歲圓寂次歲丁巳在薩斯嘉達博克地方轉生班禪知之告以五歲前請至廟內則於壽命有礙至六歲令弟子等將托音衣服往迎其孺子即起坐問訊與班禪論經卷奧妙大眾無不駭異即請至布賚綳廟落髮入學肄業了無滯礙班禪云今世德業必造其極矣遂命為第五世羅卜藏札木蘇既而滿洲崇德汗初以知勇收服眾庶招降三江之珠爾齊特取恩克察罕珠爾齊特精大師之統其後十年取大明之東省樂亭府郡天現明星昭

示祥瑞鄂爾多斯之幹齊爾圖邁薩頂大王固實曰崇德汗係有
大福之人此星係大力汗之威力星由是觀之非常人也於是遐爾
蒙古俱稱為大力巴圖魯汗其林丹汗庫圖克圖帶領右翼三
萬人聯絡科爾沁之衆諾延等遂稱為徹辰汗其後運去其妻子
於鄂爾多斯游牧之托賚地方被獲因取蒙古汗之統己丑歲年
四十四歲遂尊為和爾摩斯達額爾德穆圖博克達徹辰汗年四
十六歲破明錦州而回是時博克達班禪額爾德尼能識一切達
賴刺麻備書印餽儀差呼圖克圖前往東方和爾摩斯達
額爾德穆圖博克達徹辰汗辰處致書並將從前卦驗呈閱
因延入盛京尊呼圖克圖為巴克什刺麻誦經論法贖施無算

并寄密語言將征取大明汗都城俟世事理竣再迎博克達刺麻二人
相見癸未歲享年五十四歲升遐諸王遵奉遺勅以兵入闕代明統
緒迎順治汗年七歲坐大明汗之金牀統南方八十萬漢人西方
阿木多喀木二十六部落土伯特北方萬衛拉特東方三萬高麗中
原四省滿珠蒙古六萬歲次辛卯年十四歲遣使迎請二博克達
刺麻時班禪以年老未至惟第五世達賴前來大興佛教安
生靈緣庫圖克台徹辰洪台吉之裔小徹辰薩囊台吉願知一
切乃將汗等源流約畧叙述并將沙爾巴呼圖克圖所纂花漢達
史雜噶斡爾第汗所編經卷原尾古昔蒙古汗等源流大黃
冊等七史合訂自乙丑九宮值年八宮翼火蛇當值之二月十日再

木蛟鬼金羊當值之辰起至六月初一日角木蛟鬼金羊當值
之辰告成

4